



Admira Halimanovića, rođenog [REDACTED] 1985. godine u Sarajevu, [REDACTED]

[REDACTED] državljanina BiH, [REDACTED]

Alema Zukića, rođenog [REDACTED] 1991. godine u Sarajevu, [REDACTED]

[REDACTED] državljanina BiH, [REDACTED]

Đoke Komara, rođenog [REDACTED] 1993. godine u Nikšiću, R Crna Gora, [REDACTED]

[REDACTED] državljanina BiH i R

Crne Gore, [REDACTED]

#### Što su:

Sako Bibić, Đoko Komar, Admir Halimanović, Eldar Hujčić, Alem Zukić, [REDACTED] [REDACTED]), i druge njima poznate osobe, u vremenskom periodu od decembra 2019. godine pa do kraja 2021. godine, u okviru zajedničkog plana i međusobnog dogovora, u cilju sticanja protivpravne imovinske koristi, radi činjenja krivičnih djela propisanih Krivičnim zakonom BiH, organizovali i postali pripadnicima grupe za organizovani kriminal u smislu člana 1. stav (22) Krivičnog zakona BiH, koja grupa je djelovala na području BiH, R Crne Gore, R Srbije i na području zemalja EU, na način da je Sako Bibić organizovao grupu u smislu odredbi člana 1. stav 22. KZ BiH, kojoj su kao članovi svjesno i dobrovoljno pristupili Admir Halimanović, Eldar Hujčić, Alem Zukić, [REDACTED] Đoko Komar, [REDACTED] i druga njima poznata NN lica, a koja grupa je formirana radi činjenja krivičnog djela neovlašteni promet opojnim drogama iz člana 195. KZ BiH i krivičnog djela Pranje novca iz člana 209. KZ BiH, i to opojne droge Cannabis sativa L odnosno „marihuane-skank“, koja se nalaze na Listi opojnih droga psihotropnih materija i biljaka iz kojih se može dobiti opojna droga i prekursora, suprotno Zakonu o sprečavanju i suzbijanju zloupotrebe opojnih droga BiH (Sl. glasnik BiH, br: 08/06,103/08, 51/11) i Konvenciji UN protiv nezakonitog prometa opojnih droga i psihotropnih supstanci iz 1988. godine, i čiji je promet zabranjen i može se obavljati samo na osnovu dozvole nadležnog organa izdate na osnovu Zakona o sprečavanju i suzbijanju zloupotreba opojnih droga BiH, koju dozvolu grupa nije imala, pa su iako svjesni zabranjenosti ovih radnji i svjesni svog djelovanja u okviru navedene grupe, htijući to, međusobnim povezivanjem i dogovaranjem, povezivanjem i dogovaranjem sa drugim njima poznatim osobama, planirali, pripremali i vršili neovlašteni promet opojnim drogama, bavili se

međunarodnom prodajom i prenosom opojne droge, nuđenjem na prodaju, kupovinom, držanjem radi prodaje i prevozom opojne droge radi prodaje, i posredovali u međunarodnoj prodaji i kupovini i to prvobitno sa područja R Srbije, i R Crne Gore u BiH, a potom opojnu drogu prenosili i prodavali dalje u druge države Evropske Unije, prije svega Hrvatsku, Njemačku, Nizozemsku, Poljsku, prelazeći tako državnu granicu, prilikom ulaza i prenosa opojne droge u BiH iz R Srbije, na području Višegrada, te prilikom prenosa opojne droge iz R Crne Gore na području Bileće i Foče, koju opojnu drogu bi potom držali na njima poznatim lokacijama na području Foče i Bileće, a potom je dalje prevozili koristeći kombi vozilo marke Renault, tip Trafik, registarskih oznaka [REDACTED] pa je tako Sako Bibić u svakoj radnji neovlaštenog prometa opojnim drogama imao ulogu organizatora, tako što je sam ili posredstvom drugih članova grupe planirao i dogovarao međunarodni prenos opojne droge, kupovinu, držanje radi prodaje, prevoz opojne droge, ili posredovao u međunarodnoj prodaji opojne droge, za iznose od najmanje 400 Eura po transportu-prevozu jednog kilograma opojne droge „SKANK“, zavisno od lokacije na koju je grupa trebala da prenese opojnu drogu, potom pripremao vozila sa posebno ugrađenim štekovima-pogodna za korištenje prilikom skrivenog prevoza opojne droge preko državne granice, potom pripremao i obezbjeđivao posebne telefone sa instaliranom kriptovanom aplikacijom SkyEcc, kao i kriptovanom aplikacijom ANOM pri čemu je svaki član grupe koristio odgovarajući kod/šifru kao i posebno korisničko ime prilikom korištenja pomenute aplikacije SkyEcc i ANOM, vjerujući da će grupa preko navedenih sredstava komunikacije, u tom trenutku nepristupačnim organima gonjenja, neopaženo istrajati i činiti krivična djela radi kojih je i formirana, na koji način je navedena grupa isključivo u okviru zajedničkog plana vršila planiranje, dogovaranje, organizaciju i transport opojnih droga, ali i kasniju raspodjelu protivpravno pribavljene imovinske koristi u vezi sa navedenim krivičnim djelom, pri čemu je Sako Bibić prethodno vršio međusobne dogovore sa Đokom Komarom, ali i drugim njemu poznatim NN licima, [REDACTED]

[REDACTED] organizujući tako međunarodni prenos opojne droge iz R Crne Gore u BiH na području Bileće i Foče, te kasniju prodaju opojne droge na području Njemačke, Hrvatske, Nizozemske, i Poljske, ili predaju opojne droge na području BiH odnosno Novog Travnika i Gradiške radi dalje prodaje na području zemalja EU, odnosno dogovarajući sa njemu poznatom NN muškom osobom koja je koristila SKY kod: [REDACTED] međunarodni prenos opojne droge iz R Srbije preko teritorije BiH na područje Njemačke i Nizozemske, nakon kojih prethodnih dogovora bi Sako Bibić po unaprijed razrađenom planu i djelovanju navedene grupe, prvo sa [REDACTED], do mjeseca jula 2020. godine, a nadalje sa Admirom Halimanovićem, za potrebe grupe pronalazio vozače, angažujući Eldara Hujića, Alema Zukića, [REDACTED] te preko njemu poznate NN muške osobe korisnika SKY koda: [REDACTED] i [REDACTED], pa su tako navedeni članovi grupe, u okviru daljeg zajedničkog plana, najčešće sa kombi vozilom marke Renault, tip Trafik, registarskih oznaka [REDACTED], koje vozilo je namjenski, po prethodnoj uputi Sake Bibića, za potrebe grupe obezbijedio Eldar Hujić i za koje vozilo je Sako Bibić posebno plaćao dogovoreni iznos novca Eldaru Hujiću, odlazili na dogovorena mjesta, gdje su potom preuzimali opojnu drogu, u najvećem broju slučajeva u količini od 100 komada, težine najmanje 100 kilograma, potom istu smještali u posebno namjenski napravljeno skriveno mjesto tzv. „štek“ u navedenom vozilu, koji se nalazio u posebnom skrivenom međuprostoru između putničkog i tovarnog dijela navedenog kombija, svjesni i znajući da se radi o zabranjenim supstancama odnosno opojnoj drogi u smislu člana 1. stav (33) Krivičnog zakona Bosne i Hercegovine, koju su dalje nezakonito prenosili odnosno prevozili preko državne granice iz BiH u države Evropske Unije, gdje su je predavali njima poznatim osobama po uputama Sake Bibića i Admira Halimanovića, a sve po prethodno ostvarenom dogovoru Sake Bibića sa Đokom Komarom, i drugim njima poznatim NN licima [REDACTED]

[REDACTED] na koji način je navedena grupa za organizovani kriminal izvršila neovlašten

promet najmanje više stotina kilograma opojne droge „marihuana-skank”, te su potom novac za koji su znali da potiče uslijed izvršenja prije navedenih krivičnih djela držali i raspolagali, te koristili u svakodnevnim aktivnostima kako bi prikrili njegovu stvarnu prirodu, na način da je dio pomenutog novca Sako Bibić za koji je znao da je stečen izvršenjem krivičnog djela neovlešten promet opojnim drogama iz člana 195. KZ BiH, svjestan da ulaganjem u legalne novčane tokove prikriva način sticanja pomenutog novca, što je i htio, ulagao u kupovinu i izgradnju nekretnine odnosno stambenog objekta u [REDACTED] opština Olovo, dok su Eldar Hujčić i Đoko Komar dio novca za koji su znali da je stečen izvršenjem krivičnog djela neovlešten promet opojnim drogama iz člana 195. KZ BiH, svjesni da ulaganjem u legalne novčane tokove prikrivaju način sticanja pomenutog novca, što su i htjeli, ulagali u kupovinu pokretnih stvari odnosno pmv, pa su tako:

#### **1. Sako Bibić, Đoko Komar i Eldar Hujčić zajedno sa drugim njima poznatim osobama,**

U vremenskom periodu od 04.12.2019. do 14.12.2019. godine, u cilju sticanja protivpravne imovinske koristi, na osnovu prethodno ostvarenog dogovora između Sake Bibića i Đoke Komara, nakon što je opojna droga „marihuana-skank” nezakonito prenesena iz R Crne Gore u BiH posredstvom Đoke Komara i drugih njemu poznatih osoba, Sako Bibić, Đoko Komar i Eldar Hujčić, po cijeni prevoza od 400 Eura po komadu/kilogramu opojne droge iz BiH do područja EU, zajedno sa drugim njima poznatim osobama organizovali međunarodni nezakoniti prenos opojne droge „marihuana-skank” u količini oko 100 kg, iz BiH u SR Njemačku, tačno neutvrđene količine, na način da je Eldar Hujčić dana 11.12.2019. godine otišao na područje Bileće sa kombi vozilom Renault Trafik, registarskih oznaka [REDACTED] gdje je potom zajedno sa Đokom Komarom smjestio opojnu drogu u namjenski skriveno mjesto u kombi vozilu Renault Trafik tzv. štek, registarskih oznaka [REDACTED], nakon čega odlazi na područje Sarajeva, odakle dalje prevozeći pomenutu opojnu drogu, po prethodnim uputama Sake Bibića, dana 12.12.2019. godine nastavlja dalje kretanje prema Njemačkoj, prelazeći državnu granicu iz BiH prema R Hrvatskoj, dana 12.12.2019. godine, na MGP Gradiška – Stara Gradiška u 04.47 sati, da bi potom tokom dana 12.12.2019. godine na odredištu u Njemačkoj predao opojnu drogu, njima poznatim osobama porijeklom iz Albanije.

#### **2. Sako Bibić, [REDACTED] Đoko Komar, Alem Zukić i Eldar Hujčić zajedno sa drugim njima poznatim osobama,**

U vremenskom periodu od 15.12.2019. do 26.12.2019. godine, u cilju sticanja protivpravne imovinske koristi, na osnovu prethodno ostvarenog dogovora Sake Bibića sa Đokom Komarom i NN muškom osobom [REDACTED] (SKY kod [REDACTED]), za dogovoreni novčani iznos od 40.000,00 Eura, nakon što je prvobitno opojna droga „marihuana-skank” nezakonito prenesena iz R Crne Gore u BiH, posredstvom Đoke Komara i NN muške osobe [REDACTED], Sako Bibić, Đoko Komar, NN muška osoba [REDACTED], [REDACTED], Alem Zukić i Eldar Hujčić, zajedno sa drugim njima poznatim osobama organizovali međunarodni nezakoniti prenos oko 100 kilograma opojne droge „marihuana-skank” iz BiH u Poljsku, na način da je Eldar Hujčić, po prethodnim uputama Sake Bibića i [REDACTED], dana 21.12.2019. godine, prethodno otišao na područje Bileće sa kombi vozilom Renault Trafik, registarskih oznaka [REDACTED], gdje je zajedno sa Đokom Komarom smjestio opojnu drogu u namjenski skriveno mjesto u kombi vozilu Renault Trafik tzv. „štek”, registarskih oznaka [REDACTED], nakon čega je prevezeći navedenu opojnu drogu došao na područje Sarajeva, gdje je vozilo u kojem se nalazila navedena količina opojne droge dalje po uputama Sake Bibića i [REDACTED] preuzeo Alem Zukić, da bi isti potom dana 22.12.2019. godine, upravljajući navedenim vozilom prevozeći opojnu drogu nastavio kretanje prema Poljskoj, prelazeći državnu granicu iz BiH prema R Hrvatskoj, dana 22.12.2019. godine, na MGP Brod – Slavonski Brod u 07.06 sati, nakon čega je dalje opojnu drogu, po uputama Sake Bibića, na osnovu prethodno ostvarenog dogovora Sake Bibića sa Đokom Komarom i NN muškom osobom [REDACTED] dovezao i predao u Poljskoj, [REDACTED] njima poznatoj osobi [REDACTED] i drugim njima poznatim osobama [REDACTED]



„marihuan-skank“ nezakonito prenesena iz R Crne Gore u BiH, posredstvom Đoke Komara i drugih njemu poznatih osoba, Sako Bibić, Đoko Komar, [REDACTED] i Eldar Hujčić, zajedno sa drugim njima poznatim osobama izvršili međunarodni nezakonit prenos oko 129 kilograma opojne droge „marihuana-skank“ na način da je prvobitno Eldar Hujčić, po prethodnim uputama Sake Bibića i [REDACTED], dana 19.03.2020. godine otišao na područje Bileće, upravljajući kombi vozilom Renault Trafik, registarskih oznaka [REDACTED], gdje je potom zajedno sa Đokom Komarom utovario pomenutu opojnu drogu u namjenski skriveno mjesto u kombi vozilu Renault Trafik, tzv „štek“ registarskih oznaka [REDACTED], da bi potom sa navedenom opojnom drogom došao na područje Sarajeva, odakle je dalje upravljajući istim vozilom dana 20.03.2020. godine nastavio kretanje prema Travniku, gdje je opojnu drogu predao njima poznatim osobama u mjestu Bučići opština Novi Travnik, a koja opojna droga je dalje dana 22.04.2020. godine, posredstvom Đoke Komara i drugih njima poznatih osoba nezakonito prenesena preko državne granice iz BiH u R Hrvatsku, u grad Knin.

**6. Sako Bibić, [REDACTED], Eldar Hujčić, dvije NN muške osobe, zajedno sa drugim njima poznatim osobama,**

U vremenskom periodu od 10.05.2020. do 12.05.2020. godine, u cilju sticanja protivpravne imovinske koristi, na osnovu prethodno ostvarenog dogovora Sake Bibića sa NN muškom osobom, nakon što je opojna droga „marihuana-skank“ nezakonito prenesena iz R Crne Gore u BiH, posredstvom NN muške osobe i drugih njima poznatih osoba, na području Foče, Sako Bibić, njima poznate NN muške osobe, [REDACTED] i Eldar Hujčić, zajedno vrše međunarodni nezakonit prenos oko 53 kilograma opojne droge „marihuana-skank“ upakovane u dvije vreće, za novčani iznos za transport pomenute opojne droge od 70 Eura po kilogramu/komadu opojne droge, tako što po prethodnim uputama i dogovoru Sake Bibića i [REDACTED], prvobitno Eldar Hujčić zajedno sa [REDACTED] dana 11.05.2020. godine na području Sarajeva, preuzeo navedenu opojnu drogu od NN muške osobe, koja je po dogovoru sa drugom njima poznatom NN muškom osobom opojnu drogu dovezla sa područja Foče do Sarajeva sa vozilom VW Passat B8, crne boje, da bi potom navedenu opojnu drogu Eldar Hujčić, nakon preuzimanja utovario u tzv „štek“ u vozilu Renault Trafik, registarskih oznaka [REDACTED] koje je koristio, da bi potom dana 12.05.2020. godine, upravljajući pomenutim vozilom, dovezao i predao pomenutu opojnu drogu na području Gradiške njima poznatim NN osobama [REDACTED], radi daljeg nezakonitog prenosa iz BiH u druge države EU.

**7. Sako Bibić, Admir Halimanović, [REDACTED], Eldar Hujčić, zajedno sa drugim njima poznatim osobama,**

U vremenskom periodu od 20.11.2020. do 27.11.2020. godine, u cilju sticanja protivpravne imovinske koristi, na osnovu prethodno ostvarenog dogovora Sake Bibića sa NN muškom osobom (SKY kod: [REDACTED]), Sako Bibić, NN muška osoba (SKY kod: [REDACTED]), Admir Halimanović, Eldar Hujčić, [REDACTED], zajedno sa drugim njima poznatim osobama izvršili međunarodni nezakonit prenos oko 100 kilograma opojne droge „marihuana-skank“ iz BiH u Njemačku, na način da je prvobitno [REDACTED], po prethodnim uputama Sake Bibića i Admira Halimanovića koji su sve vrijeme davali tačne upute i koordinisali njegovo kretanje, dana 23.11.2020. godine otišao na područje R Srbije, tačnije na područje Novog Pazara, upravljajući kombi vozilom Renault Trafik, registarskih oznaka [REDACTED], kojeg im je prethodno za datu namjenu, po ranijem dogovoru predao Eldar Hujčić, da bi potom [REDACTED] predao pomenuto kombi vozilo njima poznatoj NN muškoj osobi, koji dalje kombi vozilo Renault Trafik, registarskih oznaka [REDACTED] odvezao na područje Kosova, gdje su po prethodnim uputama i dogovoru Sake Bibića i NN muške osobe (SKY kod: [REDACTED]), utovarili pomenutu opojnu drogu u namjenski skriveno mjesto tzv „štek“ u kombi vozilu Renault Trafik, registarskih oznaka [REDACTED], nakon čega je isto vozilo sa utovarenom opojnom drogom na području Novog pazara u R Srbiji, ponovo preuzeo [REDACTED] koji kombi vozilo sa opojnom drogom dovezao na područje BiH, da bi potom [REDACTED], po prethodnim uputama Sake Bibića i Admira Halimanovića, a na osnovu prethodno ostvarenog dogovora Sake Bibića sa NN muškom osobom (SKY kod: [REDACTED]), dana 25.11.2020. godine upravljajući pomenutim kombi vozilom sa utovarenom opojnom drogom

nastavio dalje kretanje prema SR Njemačkoj, prelazeći državnu granicu iz BiH prema R Hrvatskoj, dana 25.11.2020. godine, na MGP Gradiška – Stara Gradiška u 09.55 sati, nakon čega je dalje opojnu drogu, po uputama Sake Bibića i Admira Halimanovića, na osnovu prethodno ostvarenog dogovora Sake Bibića sa NN muškom osobom (SKY kod: [REDACTED]) dovezao u SR Njemačku, dana 25.11.2020. godine u večernjim satima, te istu narednog dana predao njima poznatim NN osobama [REDACTED]

#### **8. Sako Bibić, Admir Halimanović, [REDACTED], Eldar Hujić, zajedno sa drugim njima poznatim osobama,**

U vremenskom periodu od 29.11.2020. do 12.12.2020. godine, u cilju sticanja protivpravne imovinske koristi, na osnovu prethodno ostvarenog dogovora Sake Bibića sa NN muškom osobom (SKY kod: [REDACTED]), Sako Bibić, NN muška osoba (SKY kod: [REDACTED]), Admir Halimanović, Eldar Hujić, [REDACTED], NN Muška osoba (SKY kod: [REDACTED]) i [REDACTED], zajedno sa drugim njima poznatim osobama izvršili međunarodni nezakonit prenos 109,072 kilograma opojne droge „marihuane-skank“ prvobitno i R Srbije u BiH, koju su potom namjeravali prevesti u SR Njemačku, na način da je [REDACTED] prvobitno u namjeri prevoza opojne droge preko državne granice BiH, po prethodnim uputama Sake Bibića i Admira Halimanovića, koji su sve vrijeme davali upute i koordinisali njegovo kretanje, dana 04.12.2020. godine otišao na područje R Srbije, tačnije na područje Novog Pazara, upravljajući kombi vozilom Renault Trafik, registarskih oznaka [REDACTED], koje vozilo mu je za datu namjenu po ranijem dogovoru u okviru grupe predao Eldar Hujić, da bi potom na području Novog Pazara u R Srbiji [REDACTED] predao pomenuto kombi vozilo njima poznatoj NN muškoj osobi, koji je dalje kombi vozilo Renault Trafik, registarskih oznaka [REDACTED] odveo na područje Kosova, gdje se potom po dogovoru Sake Bibića i NN muške osobe (SKY kod: [REDACTED]), utovarila pomenuta opojna droga u namjenski skriveno mjesto tzv. „štećek“ u kombi vozilu Renault Trafik, registarskih oznaka [REDACTED], da bi potom isto vozilo sa utovarenom opojnom drogom na području Novog Pazara u R Srbiji, ponovo preuzeo [REDACTED], koji je potom upravljajući istim vozilom utovarenu opojnu drogu prevezao na područje BiH, da bi potom, po uputama Sake Bibića i Admira Halimanovića, a na osnovu prethodno ostvarenog dogovora Sake Bibića sa NN muškom osobom (SKY kod: [REDACTED]), te dogovoru Sake Bibića sa NN muškom osobom (SKY kod: [REDACTED]) pomenuto kombi vozilo sa utovarenom opojnom drogom „marihuana-skank“, dana 12.12.2020. godine preuzeo [REDACTED], koji je za unaprijed dogovoreni novčani iznos od 5000 Eura za cijenu prevoza navedene količine opojne droge, upravljajući istim vozilom nastavio dalje kretanje prema SR Njemačkoj i Kraljevini Nizozemskoj, pokušavajući preći državnu granicu iz BiH prema R Hrvatskoj, dana 12.12.2020. godine, na MGP Gradiška – Stara Gradiška, gdje je potom prilikom obavljanja redovnih graničnih provjera otkriven sa pomenutom količinom opojne droge, koja je pronađena u namjenski izrađenom štećeku u kombi vozilu marke Renault Trafik, registarskih oznaka [REDACTED] kojim je tom prilikom upravljao [REDACTED], a koje vozilo je za potrebe djelovanje pomenute grupe obezbijedio Eldar Hujić.

#### **9. Sako Bibić,**

U vremenskom periodu od kraja 2019. godine pa do kraja 2021. godine, zajedno sa drugim njemu poznatim licima, dio novca za koji je znao da je stečen izvršenjem krivičnog djela neovlešten promet opojnim drogama iz člana 195. KZ BiH, svjestan da ulaganjem u legalne novčane tokove, prikriva način sticanja pomenutog novca, što je i htio, ulagao u nekretnine na način da je prethodno dogovorio sa licem [REDACTED] da istog navede kao kupca i vlasnika nekretnina koje je kupovao, a potom kupio zemljište ukupne površine 4210 m<sup>2</sup> koje se nalazi u [REDACTED] opština Olovo, upisano u ZK izvadku Općinskog suda u Visokom, broj ZK uloška [REDACTED] broj katastarskih parcela [REDACTED] isplativši u gotovini prodavcu dogovorenu kuprodajnu cijenu od 20.000,00 eura pri čemu je u kupoprodajnom ugovoru broj [REDACTED] navedena

cijena od 9.000,00 KM, dok je stvarna vrijednost navedene nekretnine-zemljišta iznosila 56.835,00 KM, u kojem ugovoru je fiktivno naveden kao kupac-odnosno vlasnik [REDACTED], iako je stvarni kupac bio Sako Bibić, koji je potom na navedenoj parceli ulagao pomenuti novac u izvođenje građevinskih radova i kupovinu građevinskog materijala pri izgradnji stambenog objekta vikend kuće sa garažom na katastarskoj parceli, broj [REDACTED] upisan u ZK ulošku broj [REDACTED], u okviru koje kuće su se nalazile skrivene podzemne-podrumske prostorije sagrađene mimo projektne dokumentacije, ukupne površine vikend kuće sa garažom i podrumom od 415,64 m<sup>2</sup>, ukupne vrijednosti cjelokupnog objekta od 218.376,66 KM.

#### 10. Eldar Hujic, Đoko Komar,

U vremenskom periodu od kraja 2019. godine pa do kraja 2021. godine, dio novca za koji su znali da je stečen izvršenjem krivičnog djela neovlašten promet opojnim drogama iz člana 195. KZ BiH, svjesni da ulaganjem u legalne novčane tokove prikrivaju način sticanja pomenutog novca, što su i htjeli, ulagali u kupovinu pokretnih stvari, na način da je Eldar Hujic dio novca stečenog uslijed izvršenja pomenutog krivičnog djela i to novac u iznosu od 10.500,00 eura i 7.271,00 KM, uložio u kupovinu i plaćanje uvoznih dažbina za pmv marke Mercedes, tip 166, model ML 350 BLUETEC, 4MATIC, broj šasije [REDACTED], registarskih oznaka [REDACTED], godina proizvodnje 2012. godine, bijele boje, karavan, koje vozilo je odmah potom fiktivno prodao [REDACTED] po fiktivno navedenoj cijeni od 55.000,00 KM, a sve kako bi prikrio njegovo stvarno porijeklo, dok je Đoko Komar dio novca stečenog od izvršenja prije navedenog krivičnog djela i to novac u iznosu od 43.000,00 KM, uložio u kupovinu pmv VW Passat, registarskih oznaka [REDACTED], broj šasije: [REDACTED], broj motora: [REDACTED], godina proizvodnje 2017., isplativši prodavcu cjelokupnu kupoprodajnu cijenu u protivrijednosti u eurima, u apoenima od po 500,00 eura, pri čemu je dogovorio sa prodavcem da se kao vlasnik odnosno fiktivni kupac navedenog vozila navede [REDACTED]

11. Sako Bibić, dana 27.04.2022. godine, u podrumskim prostorijama kuće [REDACTED] opština Centar Sarajevo, suprotno članu 6. i 7. Zakona o nabavljanju, držanju i nošenju oružja i municije Kantona Sarajevo, razvrstanog u Kategoriju A, svjestan da se radi o oružju čija nabavka i držanje građanima nije dopuštena, htijući to, neovlašteno držao vatreno oružje i municiju i to: vatreno oružje – automatsku pušku marke „Crvena Zastava“, model „M70AB2“, kalibra 7,62x39 mm, serijskog broja [REDACTED], prazan okvir za municiju kal. 7,62x39 mm, koji se koristi za sve automatske puške tipa „Kalashnikov“ i puškomitraljeze navedenog kalibra i 30 komada vojne puščane bojeve municije kal. 7,62x39 mm, koje oružje po članu 7. stav 1. tačka a) Zakona o nabavljanju, držanju i nošenju oružja i municije Kantona Sarajevo, spada u zabranjeno oružje – oružje kategorije A, koje je u pogledu prava i obaveza vlasnika zabranjeno za držanje i čija nabavka građanima u skladu sa odredbama istog Zakona uopšte nije dozvoljena.

#### Čime bi počinili:

Sako Bibić, radnjama opisanim u preambuli optužnice, kao i tačkama 1.,2.,3.,4.,5.,6.,7.,8.,9. i 11., počinio krivično djelo Organizovani kriminal iz člana 250. stav 3. u vezi sa krivičnim djelom Neovlašteni promet opojnim drogama iz člana 195. stav 1. KZ BiH i krivičnim djelom Pranje novca iz člana 209. stav 3. u vezi stava 1. istog člana KZ BiH i krivično djelo Nedoizvoljeno držanje oružja ili eksplozivnih materija iz člana 371. stav 1. KZ FBiH, sve u vezi sa članom 53. KZ BiH,

**Admir Halimanović**, radnjama opisanim u preambuli optužnice, kao i tačkama 7. i 8., počinio krivično djelo Organizovani kriminal iz člana 250. stav 2. u vezi sa krivičnim djelom Neovlašteni promet opojnim drogama iz člana 195. stav 1. KZ BiH,

**Alem Zukić**, radnjama opisanim u preambuli optužnice, kao i tačkama 2. i 4., počinio krivično djelo Organizovani kriminal iz člana 250. stav 2. u vezi sa krivičnim djelom Neovlašteni promet opojnim drogama iz člana 195. stav 1. KZ BiH,

**Eldar Hujić**, radnjama opisanim u preambuli optužnice, kao i tačkama 1.,2.,3.,4.,5.,6.,7.,8. i 10., počinio krivično djelo Organizovani kriminal iz člana 250. stav 2. u vezi sa krivičnim djelom Neovlašteni promet opojnim drogama iz člana 195. stav 1. KZ BiH i krivičnim djelom Pranje novca iz člana 209. stav 1. KZ BiH,

**Đoko Komar**, radnjama opisanim u preambuli optužnice, kao i tačkama 1.,2.,5. i 10., počinio krivično djelo Organizovani kriminal iz člana 250. stav 2. u vezi sa krivičnim djelom Neovlašteni promet opojnim drogama iz člana 195. stav 1. KZ BiH i krivičnim djelom Pranje novca iz člana 209. stav 1. KZ BiH.

**TUŽILAC**  
**TUŽILAŠTVA/TUŽITELJSTVA BiH**